

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i Programa utroška sredstava u Ministarstvu za rad, socijalnu politiku i izbjeglice za 2022. godinu, broj: 02-11-1194/22 od 20.01.2022. godine i broj: 02-11-12327/22 od 11.08.2022. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 168. sjednici, održanoj dana 18.08.2022. godine, d o n o s i

**ODLUKU**  
**o odobravanju sredstava za**  
**„Program sufinansiranja zapošljavanja saradnika/asistenata na**  
**Univerzitetu u Zenici 2022-2023“**

**Član 1.**  
**(Predmet)**

(1) Odobravaju se JU Služba za zapošljavanje Zeničko-dobojskog kantona sredstva u iznosu od 264.000,00 KM (slovima: dvijestotinešezdesetčetirihiljade konvertibilnih maraka) za učešće u „Programu sufinansiranja zapošljavanja saradnika/asistenata na Univerzitetu u Zenici 2022-2023“.

(2) Sredstva iz stava (1) ovog člana odobravaju se zapošljavanje 22 nezaposlene osobe sa evidencije JU Služba za zapošljavanje Zeničko-dobojskog kantona, na pozicije saradnika/asistenta na Univerzitetu u Zenici.

**Član 2.**  
**(Analitička konta)**

Sredstva iz člana 1. ove odluke isplatit će se iz Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), razdjel 20, budžetska organizacija 01, potrošačka jedinica 0001, ekonomski kod 614100, subanalitika KAD 220, pozicija Budžeta: „Transfer za zapošljavanje“.

**Član 3.**  
**(Uplata sredstava)**

Odobrena sredstva će se uplatiti na transakcijski račun Službe broj: 134-010-00002905-38, koji je otvoren kod ASA Banka d.d. Sarajevo, svrha uplate: Sufinansiranje projekta „Program sufinansiranja zapošljavanja saradnika/asistenata na Univerzitetu u Zenici 2022-2023“.

**Član 4.**  
**(Realizacija Odluke)**

Za realizaciju ove odluke zadužuju se Ministarstvo za rad, socijalnu politiku i izbjeglice, Ministarstvo finansija i JU Služba za zapošljavanje Zeničko-dobojskog kantona, svako u okviru svojih nadležnosti.

**Član 5.**  
**(Izveštavanje)**

Obavezuje se JU Služba za zapošljavanje Zeničko-dobojskog kantona da po završenom programu Ministarstvu za rad, socijalnu politiku i izbjeglice dostavi narativni i finansijski izvještaj o namjenskom utrošku doznačenih sredstava, kao i dokaze o zapošljavanju osoba.

**Član 6.**  
**(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

**PREMIJER**

***Mirnes Bašić***

Broj: 02-11-12628/22

Datum, 18.08.2022. godine

Z e n i c a

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x JU Služba za zapošljavanje Zeničko-dobojskog kantona, putem Ministarstva,

1x Univerzitet u Zenici, putem Ministarstva,

1x „Službene novine Zeničko-dobojskog kantona“,

1x a/a.